

enpfrenden noch unnützliche mit bozer oberiger zerunge entwenden. Das andere sicherheit unde gesuntheit syner elichen wirtyn zu haldene, die wile er lebe. Daz dritte, was er schult habe in christin adir juden, das er die von synen gutern und nicht von syner elichin wirten guter bezalen fry unde ledig wolle machen. Das virde, das er sich vor trungkenheit des morgens unde des abendes hutten wolle. Das funfte, das er syne eliche frauwe vor fründen und vor fremden luten redenlich und erberlich wolle halden, alz er vom elichen leben pflichtig ist zu thun. Unde wenn er der vorgeschr(iebenen) artikel keyner vorczilich adir brechlich wirt, das er sich stundan des husze vor czihen solle, wo man on des obirqweme, wenn meister Peter von om ungedingen sin wil, es were denne, das er von dem erstin unde dem andern artikel obgeschr(ieben) volkomeliche sicherheit tete. Actum anno etc XX feria secunda post oculi etc.

a) alles durchgestrichen

319.

1420 Juni 22

Niklaus Tasche und Niclas Lyndener geloben Bürgschaft.

fol. 47v ^(a)Wisset das Nicolaus Taschze und Niclasz Lyndener globit haben, Andreas Wetterhan, alle sinen erben eyne rechte gewere vor Peter Wydemann und allen sinen erben von 42 ½ rynischze golden, das sie òn adir syne erben des benemen sullen, ane schaden unde haben das globet bie allen yren erben und gutern keyn Gunthern Vollengast seligin bruder, ab er zu lande qweme. Der selben 42 ½ golden hat Wydemer vorgnant dem goczhûsz Unser Liben Frauwen geligen 36 golden, da von dy alterlute des egnanten goczhûszes om jerlichen zinszen sollen eyn marck geldes, dy gelegen ist uff deszen nachgeschr(iebenen) guter, uff Reczsch garte keyn der vihe weide gelegen, keyn den gemüwerten flugel obir 28 gr, uff Heinrich Kaldenkuchz und Brunnerz eckern keyn Mergental gelegen ouch^{b)} 28 gr. Actum anno domini MCCCC^o vicesimo sabbato ante Johannis baptiste coram Franczisco Gerlach rectore consulum et sociorum eius.

a) alles durchgestrichen b) folgt durchgestrichen 30

320.

1420 Juli 20 (13)

Altaristen der Marienkirche begleichen eine Schuld.

fol. 47v ^(a)Wisset das dy alterlute Unser Frauwen an dis goczhuses schult bezalt